

# UMS rangkul tiga pingat emas di SIIF 2017

NST 5.12.2017 4

KOTA KINABALU: Universiti Malaysia Sabah (UMS) merangkul tiga pingat emas pada Seoul International Invention Fair (SIIF) 2017 yang berlangsung di COEX Seoul Korea, baru-baru ini.

Pencapaian pingat emas tersebut disumbangkan melalui inovasi bertajuk SYZYGIUM: New Anti-Fungal Nutraceuticals oleh Dr. Takashi Kamada, Eyeball Controlled Powered Wheelchair System oleh Dr. Chee Fuei Pien dan SWD-MULCH oleh Awang Ahmad Mohd. Yunus.

UMS turut menerima satu pingat perak melalui inovasi bertajuk LEPTO-ADTM - Antigens for the Detection of Leptospira yang dihasilkan oleh Profesor Madya Dr. Kenneth F. Rodrigues.

Selain itu, tiga pingat gangsa turut

disumbangkan menerusi inovasi PSL Reps Counter dan Shoulder Flexx oleh Profesor Madya Dr. Dg. Maryama Ag. Daud serta Seaweed Mask oleh Awang Ahmad Mohd Yunus.

SIIF 2017 yang berlangsung pada 30 November hingga 3 Disember itu merupakan pertandingan pameran bertaraf antarabangsa dan terbesar di Asia anjuran Korean Intellectual Property Office (KIPO) serta Korea Invention Promotion Association (KIPA) yang diiktiraf oleh Kementerian Pendidikan Tinggi (KPT).

Pada tahun ini UMS menghantar lapan penyertaan dan diwakili seramai lima orang penyelidik yang diketuai oleh Timbalan Pengarah (Inovasi), Pusat Penyelidikan dan Inovasi (PPI) UMS Dr. Azaze @ Azizi Hj. Abdul Adis.



JUARA...Peserta dari UMS bersama pingat yang dimenangi.